

曲沃縣志

本衙藏板

續修曲沃縣志序



志之累修何也記事記人亦猶左右史之遺意自來史設專官日有記月有注其所以炳耀當時而取信後來者典亦重矣若一州一邑之乘雖不逮史之記

注精詳而其間時事之變遷人文之興起與夫孝子悌弟義夫節婦之奇行苦志足以激發人之性情者班班可攷焉設使其而不傳奚以昭示來茲而爲物情勸乎故凡志之續也遠者百

餘年近者數十年繼其舊而增
其新文獻可徵褒揚卓著莫敢
緩矣沃邑自壬寅修志以來已
閱三十餘年風俗如昔之樸誠
弦歌如昔之繁盛洵爲富庶之
邦而其間兩遭兵燹饑饉荐臻
此中魁奇磊落之行顛沛流離
之慘有不可不筆之於書者至
若

續修曲沃縣志

序

二

皇仁之浩蕩

憲恩之汪洋泱肌髓而銘肺肝尤
當載籍而頌功德沃邑紳民方

有志而未行也會奉

宮保爵憲曾大中丞檄令州縣續
修志乘以爲通志嚆矢爰延積
學能文之士博採往事次其簡
編旣勿使遺亦不敢濫並於前
志之本無者增之已刪者補之

續修曲沃縣志

序

三

卷帙雖繁而事物較備嗟夫士
君子潛修立品愚夫婦見義捐
軀祇行乎事理之當然初不欲
求名於後世而後之人高山仰
止想像遺徽若有不傳其行而
心不安不明其志而心亦不安

者於此見直道自在天壤而
大中丞激濁揚清之志益足以
垂教於無窮矣遂拜手而弁其
端云

邑令金匱張鴻逵書



序

光緒三年歲在丁丑晉大饑明年穀又不登

宮保威毅伯曾大中丞飢溺殷懷疏請疊沛

皇仁發粟賑帑動費鉅萬災黎普慶

續修曲沃縣志

序

更生復蒙會同

列憲博濟宏施經營善後閭閻元氣漸復日有起色矣因飭郡邑續修志乘爲輜軒之採紀載俾晉之民世世不忘且思患而預防之是則

殊恩

中丞之至意也他如孝子悌弟
義士烈婦遇災而著奇行者亦
得附名於千秋不至湮沒而不
彰尤風化所繫焉况曲沃自古
稱名邑志之未修垂四十年前
邑令張公亟遵

中丞諭延集名宿尅期修纂纖
細靡遺并得好義之士積善之
家醵金助資俾成盛舉余於今
春自龍門移攝是邦覩諸君敏
勞編輯已將葺事得於公餘藉
以參酌討論其間亦復幸甚茲

當告成樂序簡端以紀其實至
若因革損益使前人之書逾臻
美善張公已津津焉敘之即不
復贅

光緒六年嘉平上澣

調署邑令厯下茅丕熙書



舊志序

嘉靖三十年辛亥

邑令

劉魯生

恩縣

曲沃舊無志刻嘉靖戊申九月余承乏是邑纔踰月巡撫舜澤蘇公移文來取縣志余實不文且初任未暇也因謀諸耆舊得邑之英毅軒李子裴莊仇子近泉許子禮請以董其事兩月而集成余公暇披閱三覆見風土之美山川之秀賦役戶口之繁物產之衆官師人物之賢文章著述之雅甲於他郡廼作而嘆曰沃古封國也肇自三代大盛於春秋至今猶爲河東劇邑而無志焉斯不謂之缺典乎廢而不舉有司責也將欲以三子之所成者壽之於梨又思今郡縣志卽古列

續修曲沃縣志

舊志序

國之史所以彰往察來別淑慝昭勸懲也非可易易言者必廣詢博採而後無遺蹟循名責實而後無訛傳義正詞確而後無贅語類序倫分而後無亂章故其載欲悉其事欲核其書欲直否則疎也戾也文且舛也志雖作不如其已此古文章之士操觚染翰千言可立就至槩之以史則雖學博二西體具三長而於一字之下未嘗不含毫閤筆避其難而莫敢定顧余何人而敢當茲任哉遂寢其事因循幾二載毅軒子復來請曰邑志前此凡三作矣今皆隻字弗錄若再襲前愆恐九仞之功廢於一簣之未成甯不爲智者惜乎余因其言

而諦思之金匱石室之藏與堯夫野人之記臧否不同其趣一也矧我國家疆理海內曲沃去畿壤僅千餘里其民物之被德澤人材之沐教化亦深且久矣則夫紀述治功贊揚盛美亦有司奉職之義也是以忘其謏劣取三子之錄間以已意繁冗者刪之失次者定之缺略者補之事類之不係乎本縣無關於名教者削之總其綱則有八析其目四十有六平帙分爲上下二卷大率從三子之筆而補偏救弊之論毅軒子爲居多皆矢志秉公守正不阿據古今之跡考名實之副共求爲實錄以示存羊之志云爾若曰明軌憲章崇教樹風

續修曲沃縣志

舊志序

二

義足追古文可傳後繼成一邑之典又俟夫後之長於史才者而予固非其人矣

沃史舊序

萬曆四十年壬子

解元進士

李尙思

晉峯
邑人

曲沃之有志也自恩縣劉侯始今雍邱趙侯起寶坻今來沃甫下車卽慨然前志乃屬邑博王君曰俞萃文學閭生重光梁生士毅劉生靖國因生貳卿等分類編纂語語皆由於初名之曰沃史而問序於余昔者成周建國各有專官以職紀載則爲史臣乃子輿於千八百國中僅舉晉乘楚檮杌以證魯史春秋則知善史之良難今之邑志國史之遺意也語有

之士生人人生事事生志志一出而人畏志乃懼事是故董
狐之筆可信而懲可懲而勸侯之意實寄之沃史哉沃自晉
昭侯封桓叔乃有今名而繼世號多事建新城之後恭世子
經於譖然終晉世猶遞有弑奪而隨分於魏終入於秦爲左
邑漢元鼎間爲聞喜而建武又爲絳至後魏而復今名名何
以仍曲沃也謂膏腴猶故也而侯則謂石田多而軍興重民
以賈而輕去其鄉泰山嫠婦不畏虎而畏政其意坎坎在民
矣卽山川建置方域物產亦必宣氓隸之鬱若痼瘕之在身
焉見其表則重秩官見其攷則重風俗見其志則重人物見

續修曲沃縣志

舊志序

三

其傳則重檣杙若曰凡爲秩官者悉爲民有者也一不穀其
謂民何民以習成釀爲風俗人物先民之典型而檣杙其攷
鑒者也侯之評邑令有官卽微人豈微官負人人負官之論
言言斧鉞讀之凜凜則侯之人於民者可知是信史也人比
之春秋而實沃侯之政記也或惜侯才賸三長乃不爲史而
爲吏然人人循良而天下治人人操不律而民亦安所寄生
死乎侯抱直突之慮而情見乎詞能爲千古徵文獻又何吏
之不爲史也沃之史前無作者有之自雍邱趙侯始則其書
不直可上追晉之乘哉

復修沃史序

康熙七年戊申

邑令 周 鉞

莆田

曲沃之志創於嘉靖恩縣之劉成於萬歷杞縣之趙至我

皇清康熙丙午署沃今衡陽太守張公銳然邑乘按圖考狀徵故采譴其經鄉先生之耳目士大夫之口吻者業核其詳無亥豕魯魚之訛也凡土疆之分合山川之流峙道路之通達風俗之隆替物產之登耗邑里之興廢賢科人物官跡官師靡不包括無遺而復以雲漢昭回之章冠焉咫尺之編識大舉細彰徃古而揭來今厥功金石與並矣余不敏承乏椒聊之墟夙夜在公拮据民事於鉛槧文獻懼歲徂不逮溪刻徒勞

續修曲沃縣志

舊志序

四

不敢作拈毫想茲沃邑之老成具瞻裁衡鉅典則大師相大司馬謂志之藝文一卷所以彰符采也而文多挂漏卽靈光一碑讀之輝光四映者竟置不錄屬余以校搜之役因不敢避炎暑尋巖岫之迹求鄴架之藏兩旬而殺青乃竟剞劂將竣惟舊史內自唐宋金元明之有目無文者間爲補足其國朝諸家詩文咸已鐫石而藝文則差有可觀刻有成本因弁數語以志其勩云

舊志序

康熙四十五年丙戌

邑令 潘 錦

崇安

曲沃舊志五卷明嘉靖間縣令劉公魯生所修也萬歷間知

縣趙公彥復增爲二十六卷名曰沃史

本朝攝縣事太原司馬大梁張君奇勛因沃史舊文重加編輯爲二十五卷前令莆田周公鉞別綴藝文若干首書始出或病其言不雅馴詮次紕繆有志者每欲起而正之余嘗讀是編自愧見聞謏劣不能窺作者旨趣然於標目頗竊疑之蓋古者諸侯各以其年紀元故列國有史如齊之有南史晉之有董狐是也自封建改爲郡縣禮樂法度一稟章程無敢私議於室卽稗官野史同於齊諧君子猶或非之况一邑之紀載儼然自命爲史乎故嘗過不自料輒與邑中同志取曩時舊

續修曲沃縣志

舊志序

五

志別爲義例增損彙括闕者補之繁者約之平心商確一衷諸道名曰曲沃縣志蓋所以繼前賢未竟之志竊附於張周二君子纂輯之末非敢爲作也後之君子本是編而參考互訂別展心裁勒爲一書光諸國門余又竊有望焉

曲沃縣志序

乾隆戊寅

邑令

張

坊

和五
湘潭

宜興儲六雅先生修山西通志成書坊時在京邸遊太僕師門受而閱之立論有典則而辨證一志剖疑摘要見未曾有至散見各邑若彼此相牴牾先生則并兩說存之因就正請益謂修省志徵之縣志也辨其大綱耳餘則三晉廣矣勢不

能如盧敖之窮遊穆滿之徧歷身親目擊真知確見握管時能以此邦文獻而臆斷其有無可乎解人知之矣坊時爲之心折夫志以昭信亦以醜疑民牧者爲人師長將以醜羣疑也必足之所履目之所經能指畫其山川都邑形勢建置胸有成竹而後迺可醜羣疑而千古因仍沿革之說亦不致任人秉筆恣憑而罕所抉摘曲沃屏障太行襟帶汾澮稱平絳劇縣舊矣風俗之儉樸財貨之衍奧冠紳文藻之彬彬都蔚自明迄今來令茲邑者先後皆纂錄如周書鄭志史胥藏之用昭一邑大概矣蓋志乘之修廢與政治之張弛實相爲表

續修曲沃縣志

舊志序

六

裏今去雍邱趙君修沃史時百五十八年卽崇安潘君修縣志亦五十有二年稽之外史掌邦國之志每歲詔登相去久遠則編其戶籍之登耗上其生齒之繁寡酌其徭役之勞逸經其渠堰之蓄洩踵前人功鑿然使不磨余也何敢多讓顧志以垂信而剖疑余來沃凡沃所當爲不惜謏劣每舉而正之然三年中所疑而莫釋者獨曲沃新田之故墟恒軫轆而不能申其辨嘗考之先儒注疏前代著述皆稱古曲沃在聞喜新田在今曲沃坊以形勢推度山川區畫古曲沃不當逾絳山汾澮以南新田豈宜仍遷沃城爲一地卽兩邑之聞人

如二李者互載辨證然皆無地以處新田此千古以曲沃爲
疑案相沿而不改熒惑將終古焉會歲丁丑邑人以移驛之
舉欣然請重修縣志余乃以平昔所問學參之三十年之閱
歷遠稽近徵彰明較著指侯馬爲新田古城爲曲沃今治爲
新城陳書質之繪圖考之作徵辨之徧質諸士夫英耆怡然
渙然冰解心服乃知尙論當具隻眼立說需有確據臆斷者
何能操邑乘之觚未嘗不往復六雅先生之言之有旨也坊
惟曲沃新田在成周爲封國及隸平絳稱雄望古籍昭然煌
煌乎大邦也哉乃不採經傳不辨故址不核名義非地負人

續修曲沃縣志

舊志序

七

實人負地讀書稽古之謂何然饒於古而略於治將人民社
稷豈能以不治治之耶故華藻之以文章根據之以事跡尤
舉治化所切要者而書之然後羣知趨向斯三千年之名區
勝地不淪於蔓草荒烟億萬載之學士文人皆自明於光天
化日之下矣古者輶軒採風其典雖廢稽雍正七年

詔各省修通志以備一統志之採擇今卷帙裒然凡郡邑之所撰
輯皆若金鑑南車而坊也遭逢

明聖分符古邑職宜以文章報稱備內外史考而潤色休明黼黻
皇猷顧敢稍自暇逸不力爲考信以昭示吾民而剖厥疑於來許

也耶

續修曲沃縣志序

嘉慶二年丁巳

邑令

侯長熹 郟城

自古著述創始者難繼起者易如班孟堅之作漢書尚多本於子長未免剽竊他可知矣沃自漢唐以後鮮有傳述至前明邑令劉魯生始立志乘厯趙潘諸人漸次增補及乾隆戊寅湘潭張和五令此邑復加釐訂考古証今辨侯馬爲新田歸蒙驛於太平不獨較前志爲大備而有功於斯土者實多不幾美而難繼歟然戶口有登耗賦役有繁簡人文之叠興不一列女之接踵偏多數十年來雖山川如故城郭依然而

續修曲沃縣志

舊志序

八

養民育士之規果前後一轍乎揆文奮武之制將今昔無殊乎昔馬端臨云常恐一朝散佚失墜無以屬來哲誠確論也况栽培久則賢哲之累累相望者當日增也教化彰則風節之皦皦不汗者何可沒也卽經術節吏治文章蔚國華其炳炳燁燁足以信今而傳後者又烏可磨滅哉當此

重熙累洽

景運日隆官斯土者竟墨守陳編因循退廢坐使數十年之故實不爲編續更數十年或湮沒罕傳咎將誰歸顧戊寅以後之事蹟固應詳明而戊寅以前之簡編亦須精密是以

刪錄剔冗非但爲前人惜筆墨亦將爲後此留地步蓋義
主於續斯難已於修也余於乙卯承乏茲邑稟明

各憲批允續修惟才本謏陋兼二十餘年黽勉吏事更多荒
落爰與石外翰並都人士參互考訂分門別類纂輯成編
不過因續修較易可備後來稽攷至若成師之封國景公
之遷都悼平之繼霸主盟與夫列國名卿公子聘問大有
可紀者前志已詳言之不敢復贅一詞云

新修曲沃縣志序

道光壬寅

邑令 張兆衡

周官外史掌四方之志而五比爲閭閻二十五家閭胥書其

續修曲沃縣志

舊志序

九

敬敏任卹五族爲鄙鄙五百家鄙正書其德行道藝歲終上
之太史因以察其風土燮惡物產盈虛周知夫人民之苦樂
蓋志者史之流實與史相爲表裏者也故稱史莫善於馬班
而史記上自黃帝下訖炎漢曰紀曰表曰世家曰列傳凡百
三十篇而遭秦滅學雜引世本國策黃老申韓以成書通人
病焉班氏斷代爲史而矧爲古今人表遠徵二千餘人列以
九品意爲上下鄭樵呂祖謙楊慎輩競相彈射况標序譌複
時代舛違說者謂成於馬續又謂班昭補之然隋志言建初
中班固奏表及紀傳惟十志未就而卒後命大家續成之則